

襄仁縣新志卷七

人物孝友忠節義行文苑寓賢藝術附

北魏

叔孫建代人少以智勇稱登國初為升朝大人典庶
事參軍國謀開秦王觚出使還拜後將畢累遷中領
軍賜爵安平公明元時為相州刺史遷廣阿鎮將威
名大震入青州圍宋刺史竺夔於東陽城以功賜爵
壽光公除平原鎮大將封丹陽王加征南大將軍建
沉敏多智治軍清整又雅尚人倫禮賢愛士在平原

十餘年綏懷內外甚著聲稱太延三年卒年七十三

諡曰竅

詳北魏史

叔孫俊字醜歸建子少聰敏年十五內侍左右性謹密明元時拾遺左右遷衛將軍賜爵安成公要以軍國大計羣官上事先由俊發校後奏聞泰常元年卒諡曰孝元

詳北魏史

元

趙璧字寶仁雲中懷仁人中統初拜照京宣慰使中書省立授平章政事後改樞室訓使命遷中書右丞

拜平章政事卒贈大司徒諡忠亮詳元史

張文顯懷仁人至正間累官吏部尚書清王有守

曹子明舊志作子名懷仁人至正間任尚都縣令公
正教為惟義是守

明

劉道景泰西子鄉舉第一天順甲申成進士選翰林
院庶吉士改吏部主事歷本部員外郎終河南布政
使文章故事卓有可觀解組後閉門養高蕭然終老
王汝縑隆慶卒未進士田兵部主事歷陞陝西按察

副使跨蹇驢將一僕之官入關微服按境內問民疾
苦得土豪怙勢凌轢鄉里好持吏短長不法狀庭訊
時具服之寘諸法會有權要者祖左之獄漸解汝廉
力爭不得遂移疾歸事母盡孝年五十母卒旦夕跪
哭隆冬忘寒久之以鶴膝疾終

王家旦孝友閭閻里由萬厯己卯鄉舉授高密知縣
惠績茂著稱循良吏

曹得由燕山左護衛總旗遇戰勇銳奮前以一當百
累陞中軍都督同知守德州馭下有威惠

王崇凍歲貢生任靜樂教諭舊志云處鄉端厚仁慈
傾家扶困居官脫驂周急損俸濟寒

曹文詔據譜為邑之南家堡人以入鎮標伍故又註
大同人勇毅有智畧從軍遼左積功至遊擊崇王三
年遷參將加都督僉事四年以功擢臨洮總兵勦辦
陝西劇賊以次平尋入晉協勦又移師討河北賊被
効調大同七年駐懷仁以吳牲薦命為援勦總兵官
八年整兵南下屢戰皆捷湫頭鎮之役賊蜎集合圍
文詔手刃數千人力不支自刎死上庸悼贈太子太

保賜祭葬世蔭指揮僉事

詳明文

曹變蛟文詔從子積軍功至遊擊崇正五年御史吳
維薦為參將每戰獲勝文詔歿收潰卒復成一軍為
副總兵十年以討賊功擢都督僉事為臨洮總兵十
一年追擊闖賊錄功晉左都督尋入衛京師十五年
殉城松山贈太子太保世蔭指揮僉事

詳明史

國朝

于懷漢事母以孝得旌又多義行撫孤姪設義學贖
人口周貧乏樂善不倦康熙甲辰歲饑蠲賑千石全

活無算子應心好義有父風

魏正心性仁厚孝友善事母及寡嫂撫幼姪有恩康
熙間由歲貢任沐陽縣號為循吏及解組歸足不履
公庭歲歉分食米煮粥活人捐貲掩骼代完族人
徭賦義不勝紀年九十卒

舉人王廠敦在行尤篤乎足誼弟多不情之舉非惟
不較且曲徇其意喜讀書經史胥究閩奧著有詩文
藁及課孫八集鍵戶下帷每飯不輟至誤啖墨瀋不
覺焉與懋遷者交不爭值久之人亦不忍飾價於廠

古謂匹夫而化鄉人諒哉年八十二無疾而卒

李瑞懷仁人由行伍起家補鎮標前營馬兵故又駐
大同人以弓馬嫻熟拔補老營千總累遷廣西提標
右營守備湖南長沙都司晉提標遊擊尋以軍功洊
擢貴州台拱營參將定廣協副將陞任廣西左江鎮
總兵調赴軍營勦辦髮匪轉戰湖南河南江蘇等省
大小數百戰卓著勞績加號固勇巴圖魯尋調天津
總兵從僧親王勦辦擒匪積勞軍營病故瑞驍勇敢
戰身受多傷為一時名將歿之日家無餘貲人悼惜

之

武縣龐廷對由部揀選二等分鈴本營効力咸豐三年調赴江南徐州防勦十二月勦補潰匪李三開等同衆殺賊多名拔補殺虎把總尋於虹橋浦口等處迭獲勝仗

賞戴藍翎同治三年調趙遼州防堵署理左衛城千總九年調庫倫防堵又改調料布多補老營千總加守備銜從軍幾二十年有勇善戰以數蹇未獲大用而逝

孝友

明

王志仁有孝行父母不睦竭力調持母疾左右嘗藥
比卒哀毀三年父性甚嚴而特憐其孝云

李夔家貧親老以貢任潼關訓導旋乞歸養親歿廬
墓側避盜匪人城曰某不敢以文母遺軀盜賊毒手
也既謚復廬墓終喪子克中官參議

國朝

郝敏學早孤母王氏苦節教養因感泣發憤讀書弱
冠有聲膠庠間後久躋場屋而文行益粹乾隆丙子

以歲貢任翼城訓導東鐸六載士多所成就初有弟
在襁褓撫養成立家產悉推讓之人高其義

田堡富父發家甚貧入市逐微末自給富兒時見老
父冒雪任勞苦輒涕泣請代父母相繼卧疾左右侍
養衣不解帶者五六年既歿飲食必薦久之猶泔泔
然淚下女兄適楊而寡貧不能自存急迎歸撫兩甥
成泣從兄佳年歿經紀其家與弟佳貴尤友憂無間
乾隆三十九年以孝旌

劉告忠武生母歿勺水不入口父諭之食乃稍進饘

弼父邁疾醫藥罔效祈天願以身代果獲廖嗣是
步不離父年七十三以壽終吉忠已五十餘孺慕如
嬰兒既葬廬於墓側哀感道路年逾八十而孝思弗
衰

池俊福俊立同胞五人賦性及愛家無斗筭之儲獨
以功名為重於是長為傭工次則居肆克勤克儉諸
弟俱賴以成立三名俊祿四名俊裕皆由行伍起一
官至守口堡把總一官至何保營守備五弟俊秀由
武舉官至陝西神木營參將俊祿之子鳳由貢生候

選教諭俊裕長子淵由行伍官至本同鎮標前營千
總三子鵠由軍功都司銜

實戴藍翎官至馬邑城把總俊秀之子潤田武舉官主應
州城守備俊秀之孫發育由武舉現任東陽關守備
俊祿之孫生育由武舉現任樺林營千總前署水泉
營守備一門孝友勲名駿發科第蟬聯溯水源恩木
不皆由俊福俊立二公培養生成之力在懷邑中至
今稱望族焉

歲貢生馬文炳字礪堂同胞三人文炳居長仲氏文

耀字蔚堂賦性仁慈制行孝友咸豐辛酉以優貢碩
鄉薦壬戌聯捷南宮授刑部主政職二百年來其名
位為一鄉之冠即品學亦足冠一鄉顧起家寒素當
其肄業晉陽時家計頗形支絀而文炳獨勉且慰曰
爾但專爾功精爾業此外省予爾勿問焉因是由芸
窗課讀以至通籍大家惠賴長兄作養策勵之功而
文耀自授職後亦復慎守官箴無慙清吏洵不負乃
兄期望之心色人無賢不肖至今嘖嘖艷稱之亟登
諸聞以為後之賦壘麓者勸

舉人石國禎性篤孝母盲於目兼以痿廢臥牀二十餘年禎晨夕奉事親供膳飲曲為節宣暇則笑談故事以博其歡母不知疾之在其體也居喪哀毀踰禮三年如一日

附貢生姜生海姜生瑞馮家莊人兄弟胥秉至性事親致愛致慤曲得歡心無一專擅事年五十居憂染毀踰禮生瑞幾以瘠廢兄弟友于念篤食息坐卧刻不少離家居食指數十生瑞警敏任繁劇兄憂其勞於家計也雖長夏午寐所以防諸兒之擾而其飲以

解覺者無日不親為調護生瑞隅染恙更憂憤若征
如不欲生疾止乃已及生海即世弟追慕弗已兼以
諸事無所稟酌因鬱成病未及釋服而逝式好死尤
遠近傳為美談

佾生張啟事嗣父母以孝聞父性甚嚴厲怒則扑詈
交加啟怡如也母嬰疾啼泣走禱矢願終身茹素時
夕拜跪迎送日月以祈母壽後果酬其言二親以壽
終而夙願不少喻

任世常少孤事孀母曲致色養勤儉持家雅好施與

婚喪廟社諸義舉求無弗應子懷文順德無違孫善
承品端學裕曾孫廩生國賓昆季五人俱謹愿守家
法賓尤績學敦行為遠到器咸豐十年世常年八十
七元孫鴻業離襁褓同堂者五世親見者七代伉儷
齊眉曾初繞膝福壽多男誠希世之人端也知縣趙
德漳額表其閭

職員劉槐清水河人少失怙事母愛敬兼至門鮮次
丁一身兩嗣兼事伯母無間言居積甚饒慷慨好施
與道光丙申邑被蝗流離載道槐為粥以食餓者全